



Il mas-chalch da Sent

Publicaziuns officialas. Cumpara seguond bsögn.

2003/2005

no. 37

7554 Sent, 25 avuost 2005 / rz

Plan directiv pel cumün da Sent – Dieta da lavur publica

Il cumün es intenziunà dad elavurar insembel culla populaziun la basa per ün plan directiv (Leitbild).

In diversas sezzüdas ha üna gruppada dad 11 persunas cun cugnuoschentschas in differentas spartas preparà il tema e fat alch propositas. L'ultim pass (la dieta da la populaziun) ha lö in **venderdi, 30 settember 2005 (saira) e sonda, 1. october 2005 (tuotta di)** in **chasa da scoula Saranschasch**. Là vegna discutà la chosa da tuot ils interessats per l'avegnir dal cumün ed integrà las differentas ideas o propositas da la populaziun (lavur in gruppas). Quista uschedita conferenza vain manada da sar Jöri Schwärzel, Alpenbüro Netz GmbH da Schiers. Per savair in ca. la quantità da persunas chi pigliess part a quista conferenza giavüschaina d'as annunzchar cul talun suotvart.

Il Cussagl cumünal füss fich grà scha la partecipaziun füss numerusa, uschea as sviluppescha ün plan chi integrescha il maniamaint da blera glied.

----- Tagliar

Conferenza pel plan directiv – 30 settember / 1. october 2005

Nom: Prenom:

Adressa: No. telefon:

Quist fögl po gnir büttà aint illa chartera dal Cumün pro l'entrada da la chasa cumünala opür gnir tramiss per posta fin als **16 settember 2005** al Cumün.

Il Cussagl cumünal

----- Tagliar

Invid

La chüra d'uffants Engiadina Bassa organisescha als **31 avuost 2005** a las 14.30 üna stüva da caffè a Sent in chasa da scoula.

Mammas e baps cun lur uffants pitschens sun invidats da gnir a star da cumpagnia.

No muossain il film müit CIRCUS Charles Chaplin. Entrada libra. I nu's tratta d'ün arrandschamaint commercial.

**Chüra d'uffants
Engiadina Bassa**

Festa da la racolta

Chi less demuossar ch'El saja grà per la buna racolta? **Sonda, als 8 october 2005** da las 13.00 a las 14.00 ornescha il comità da la Corporaziun evangelica la baselgia. Tuot chi chi po portar alch frütta, verdüra o fluors da üert es fich bainvis.

Sperond sün üna gronda partecipaziun As salüda

Il comità da baselgia

Radunanza generala - Società da duonnas

Invid a nossa radunanza generala in **lündeschdi, als 5 settember 2005** a las **20.00** al caffè Sala.

Tractandas:

1. Rapport da la presidenta
2. Prelecziun dal protocol
3. Rendaquint
4. Elecziuns
5. Data per cumanzar
6. Donaziuns
7. Varia

In quist'ocasiun laina ingrazchar per las donaziuns a favur da nossa società. No sperain sün gronda cumparsa e vain grond plaschair da pudair salüdar eir novas commembras.

Società da duonnas

Ballarait per homens

A partir dals **16 settember 2005** ans chattaina mincha **venderdi a las 20.30**, in chasa da scoula per giovar a ballarait. Partecipants novs sun fich bainvis.

Il manader, Christian Poo

Società da gimnastica da duonnas (manadra Rosina Müller)

La grappa da la gövgia cumainza culla gimnastica davo las vacanzas d'utuon, in **gövgia, als 27 october 2005** da las **20.00** a las **21.00**. Nus vain plaschair scha novas commembras fan part da nossa grappa.

Società da gimnastica da duonnas (manadra Elisabeth Poo)

La grappa dal lündeschdi cumainza culla gimnastica in **lündeschdi, als 19 settember 2005** da las **20.00** a las **21.00**. Nus vain plaschair scha novas commembras fan part da nossa grappa.

La presidenta, Seraina Valentin

Ginnastica per minchün (manadra Corina Riatsch)

La ginnastica per minchün “Frauenpower” ha lö mincha mardi, da las **08.50** a las **10.00** in chasa da scoula. Cuosts fr. 5.--. Minchün es bainviss.

Sent Turissem